

Date – 28/04/2026  
Time - 7:30 -7:40 Hrs  
AKASHVANI AIZAWL

## REGIONAL NEWS BULLETIN

### HEADLINES (MORNING)

1. Union Minister of State for Home Affairs Pu Bandi Sanjay Kumar leh Mizoram sawrkar hotute inkawm chuan Vikshit Bharat 2047 dungthula Mizoram tihmasawna tur “Transformed Mizoram Vision 2047” atana ruahmanna leh tihhlawhtlin tur an sawiho.
2. Larsap General (Rtd) Vijay Kumar Singh chuan Chite Lui humhalh leh cheibawl kawngah theihtawp chhuah tanrual a pawimawh thu sawiin kui kama awmze nei taka thingphun a tul thu a sawi.
3. AMC 2026 inthlan result nimina puanah Ward 19-ah ZPM chuan ward 17-ah hnehna a chang a, chiang takin sorkarna an siam thei.
4. India leh New Zealand te chuan nimin khan New Delhi-ah Free Trade Agreement (FTA) an ziak.

<><><>

### UNION MoS

Union Minister of State for Home Affairs Pu Bandi Sanjay Kumar chuan ni hnih cham turin nimin khan Aizawl a lo thleng a, sawrkar mi pawimawhte nen inkawmin Vikshit Bharat 2047 dungthula Mizoram tihmasawna tur “Transformed Mizoram Vision 2047” atana ruahmanna leh tihhlawhtlin turte sawiho a ni bawk.

Union Minister of State Pu Bandi Sanjay Kumar hian MINECO Conference Hall-ah Mizoram sawrkar department hrang hrang a kawmna ah Mizoram hmasawna tur atana tih tur pawimawh chu a hnena thlen turin a chah a, Mizoram depa India ramri (Myanmar leh Bangladesh) a venhimna kenkawh chungchange, ramri hung chungchange leh ramri depa thingtlang khua ah Vibrant Villages Programme kaltlanga tihchangehtun dan turte sawiho a ni a, Mizoram sawrkar hotuten khualzin lo dawnsawn dan tur bakah Protected Area Permit chungchange harsatna an tawh sutkian sak a tul thute, kawng hrang hranga Mizoram dinhmun leh Vikshit Bharat (developed India) 2047 dungthula Mizoram tihmasawna tur “Transformed Mizoram Vision 2047” atana ruahmanna leh tihhlawhtlin turte sawiho a ni bawk.

Ruahman dan chuan Union Minister of State Pu Bandi Sanjay Kumar hian wawinah video conferencing (VC) hmangin Siaha district-a sawrkar hotu pawimawhte a kawm ang a, VC hmang vek hian khawtlang aiawhte leh NGO aiawhte a kawm bawk ang.

<><><>

### GOVERNOR

Larsap General (Rtd) Vijay Kumar Singh chuan Chite Lui humhalh leh cheibawl kawngah theihtawp chhuah tanrual a pawimawh thu sawiin kui kama awmze nei taka thingphun a tul thu a sawi.

Nimin khan Save Chite Lui Coordination Committee leh PWD hotute chuan Larsap hi Lok Bhavan, Aizawlah hmuin Save Chite Lui Action Plan Phase 2 (Lui cheibawl leh chei that) hnuai project thar tur chungchang an sawiho a, Larsap General chuan Chite Lui humhalh leh cheibawl kawngah theihtawp chhuaha tanrual a pawimawh takzet thu sawiin, Chite lui chu khawpui thli luanluhna ber anih avangin checkgate leh dam-te a khat tawka daha bawlhhlawh tangte thenfai zel a tul thu a sawi a. Lui kama awmze nei taka thingphun a tul thu sawiin, a chhehvela awm vengte, tlawmngai pawl leh department-te nen thawhhona mumal tak neih a pawimawh thu a sawi a. DRP tihhlawhtlin theih ngei tur leh hriat thiam awlsam siam tum turin a chah nghal bawk.

Save Chite Lui Coordination Committee-te hian PWD leh Nodal Department, Environment, Forests & Climate Change Department-te nen tangkawpin Aizawl khawpui huamchhunga lui pawimawh tak Chite Lui cheibawl leh chei that hna project an kalpui mek a ni.

<><><>

## AMC POLL RESULTS

AMC 2026 inthlan result nimina puanah Ward 19-ah ZPM chuan ward 17-ah hnehna a chang a, chang takin sorkarna an siam thei.

ZPM bakah hian AMC term hmasa a sorkarna siamtu Mizo National Front (MNF) leh Mizoram Pradesh Congress Committee (MPCC) te chuan ward pakhat ve veah hnehna an chang ve bawk.

Coporator atana thlan tharte chu - Ward no 1-ah Pu Vanlalhriata (ZPM), Ward no 2-ah Pi R. Lalmawipuii (ZPM), Ward no 3-ah Pu Vanlalfaka (ZPM), Ward no 4-ah Pi Vanlalhriatrengi (ZPM), Ward ni 5-ah Dr Lallawmkimi Tochwawngi (ZPM), Ward no 6-ah Pu H. Lalremtluanga (ZPM), Ward no 7-ah Pu Zochhuana (ZPM), Ward no 8-ah Pi Christina Roluahpuii Sailo (ZPM), Ward no 9-ah Pi B. Lalawmpuii (MNF), Ward no 10-ah Pu PB Lallawmzuala (ZPM), Ward no 11-ah Helen Rualchhingi (ZPM), Ward no 12-ah Pi C. Vanlalhruaii (ZPM), Ward no 13-ah Pu Vanlalhruaia (ZPM), Ward no 14-ah Roy Lalhriatpuaia (ZPM), Ward no 15-ah Pu VL Zamlova (ZPM), Ward no 16-ah Pi R. Lalawmpuii (ZPM), Ward no 17-ah Pi Lalremruati Sailo (ZPM), Ward no 18-ah Pu K. Lalrodinga (ZPM) leh Ward no 19-ah Dr. Lalmalsawma Nghaka (INC) te an ni.

Tun tumah hian Mipa leh hmeichhe chuh theih Ward pathum- Ward No 8, Ward No 9 leh Ward No 16 ah te chuan hmeichhe candidate Pi Christina Roluahpuii Sailo (ZPM), Pi B. Lalawmpuii (MNF) leh Pi R. Lalawmpuii (ZPM) te an tling a. He ti hian tun AMC-ah chuan coporator hmeichhia 9 an awm dawn a, Ward No 4 chu inhnehna vote sanna ber niin, ZPM candidate Pi Vanlalhriatrengi'n amah hnaih bertu Pi R. Lalnunthari (MNF) chu vote 2,121 in a hneh a. Ward No 9 chu vote inthlauhna hniam ber niin MNF candidate Pi B. Lalawmpuii chuan amah hnaih bertu ZPM candidate Pu Zoramchhana chu vote 118 in a hneh a ni. ZPM-in hneh taka AMC an lak takah hian ward 16-na a tling Pi R. Lalawmpuii chu Aizawl Mayor a nih rin a ni a. ZPM hruaitute chuan hemi chungchang hi an ngaihtuah thuai dawn niin an sawi.

AMC inthlanna-a voter awm zat chu hmeichhia – 1,29,656, leh Mipa 1,10,333 an ni a, an vaiin voter hi ni 2,39,989 an awm a, Mipa ai hmeichhia an tamna chu 19,323 a ni. April ni 21-a AMC inthlan ah Vote 1,50,640 a tla a ni.



## ZPM ON AMC RESULTS

Chief Minister Pu Lalduhoma'n AMC 2026 inthlana ZPM-in hnehna an chang chuan mipuiten sorkar dinglaiah rinna an la nght a, la sorkar zel se, Aizawl khawpui pawh an kutah dah an duhzia a lantir a ti a. Hei bakah hian Pathian malsawmna chu an tlin chhan a nih thu sawiin, MLA inthlan lo awm leh turah pawh mipuiten ZPM chu an la duh ber dawn tih a lantir nia a hriat thu leh lawmawm a tih thu a sawi a ni.

ZPM media chairman Pu B Lalchhanzova, Minister of State chuan AMC inthlanpui vawi 4-naa ZPM-in Ward 19 zinga 17 an la chu an lawm thu sawiin, AMC inthlan result hian mipuite'n state sorkar ZPM Ministry an rintawk zia a tarlang a ni, a ti.

Nimin a Aizawl Press Club-a chanchinbumite a kawmnaah Pu B Lalchhanzova chuan AMC Inthlanpuia hnehna sang tak an chan avangin Pathian leh Aizawl khawpui mipui chungah an lawm thu sawiin, AMC result hian state sorkar mek ZPM Ministry hi mipuite'n an rin tawk zia a tarlang niin a sawi a. Aizawla Municipal Sorkar siam tur pawhin mipuite;n an ring tawk hle tih a tarlang bawk niin a sawi. ZPM AMC chuan ram leh hnam tan, Aizawl leh mipuite hmasawn nan Election Manifesto ang taka municipal sorkar tha din turin theihtawp a chhuah dawn tih a sawi. ZPM in election manifesto-a an tarlante chu road map atan an hman dawn thu leh, an manifesto zawng zawngte chu ngaih pawimawh a nih dawn thu a sawi a, hmalakna hmasa turte a tarlang bawk.



## AMC VOTE SHARE

Nimina AMC inthlan result puan takah khan sang taka hnehna changa ward 19 zinga war 17 latu ZPM vote hmuh belh khawm chu 71,470 a ni a, vote tla zawng zawng atanga za zela 47 point 44 an hmu.

Ward 1-a hnehna changtu MNF chuan a vaiin vote 46,131 an hmu a, hei hi vote tla atanga za zela 30 point 62 a ni a. Ward 1 tho la Congress chuan vote 31,097 hmu-in vote tla zawng zawng atanga chhutun za zela 20 point 05 a ni. Candidate 11 dintirtu BJP chuan ward pakhatmah an la lova, an vote hmuh belhkhawm chu 880 niin chu chu vote tla atanga za zela bial point 58 a ni.



## ZMC

Zoram Medical College & Hospital a, Lung lam enkawlna, Cardiothoracic and Vascular Surgery (CTVS) Operation Theatre (OT), Intensive Care Unit (ICU) leh Cath Lab-te hawng tura hmalakna kal mekah, zirchiang turin Study Team-ten PGIMER, Chandigarh-ah training turin an kal.

PGIMER hi India rama medical lam zirna In pawimawh leh hlun tak niin, "Institute of National Importance" te zinga mi a ni a, khum pawh 2233 lai a awm a, ni ZMC&H atanga mithiam kal te hi April ni 13 khan kalin ni sawmthum (30) chhung training an nei dawn a, Nursing Superintendent pahnih 2 te chu department hrang hrang kalphung zirchiangin karhnih hun an hmang bawk a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



INDIA & NEW ZEALAND

India leh New Zealand te chuan nimin khan New Delhi-ah Free Trade Agreement (FTA) an ziak. He inremna ziah inkhawm hi Union Minister for Commerce and Industry Piyush Goyal leh New Zealand Minister for Trade and Investment Todd McClay ten an kaihruai a. He inremna hi nikum December thla khan he inremna hi peihfel a ni a. Chhiah engmah chawi lova zaa za insumdawntawanna tur a ni a. India tan New Zealand ah sumdawanna thil thawnluh man chawi a ngai dawn lova. He inremnaah hian US dollare tluklehdingawn 20 hu a awm a ni.



WEST BENGAL ELECTION

West Bengal Assembly inthlan thawhnhihna atana campaign chu nimin tlai khan a tawp a. Naktukah Assembly bial 142 ah vote thlak a ni ang. Inthlan thawhnhihnaah hian candidate 1448 an awm a. An zingah hian hmeichhia 220 an awm a. Assembly bial lian ber hi Kalyani niin a te ber hi Jorasanko a ni a. Voter vaibelchhe 2 nuai 21 sing 7 sang 3 leh 873 an awm a. Hetihlai hian Supreme thupek anga SIR-a voter paih thenkhat ten an khin avangin voter zat vawiinah tihchhuah belh a ni ang.

West Bengal Assembly inthlan vote tla te hi thlaleh ni 4 ah Tamil Nadu, Assam, Kerala leh Puducherry te nen chhiar a ni ang.



PM

Prime Minister Narendra Modia chaun nimin khan Sikkim khawpui Gangtok ah kawngzawh ropui tak a buatsaih. Pu Modia hian ni hnih cham turin nimin chawhnu khan Gangtok a thleng a. Vawiinah hmasawanna project chi hrang hrang cheng vaibelchhe sang li chuang hu a hawng dawn a. Sikkim State kum 50 tlin pual hun buatsaih a hmanpui bawk ang.

